

# Aalisarnermut atatillugu atuisunut akiliuteqartitsineq pillugu Namminersorlutik Oqartussat nalunaarutaat

Aalisarneq pillugu Inatsisartut Inatsisaanni nr. 18, 31.oktober 1996-imeersumi § 14-a aamma § 33 imm. 2, kingullermik Inatsisartut Inatsisaanni nr. 12, 3. december 2012-meersumi allanngortinneqartoq, tunngavigalugit aalajangersarneqarpoq:

## *Atuuffia*

**§ 1.** Nalunaarummi aalisarnermut atatillugu atuisunut akiliuteqartitsinerup malittarisassiuunneqarpoq.

*Imm. 2.* Atuinnermut akiliuteqartussaataaneq atuutsinneqarpoq aalisariutit imaluunniit aalisartitseqatigiiffiit Kalaallit Nunaanni angerlarsimaffeqartut atorlugit aalisarnermi.

## *Akiliisarneq akiliuteqarnissamullu piffissarititaasut*

**§ 2.** Avataasiorluni aalisarsinnaanermut imaluunniit sinerissap qanittuani raajarniarsinnaanermi akuersissutit pisassiissutit amerlassusaat tunngavigalugit akilerneqartassapput. Pisassiissutit nalunaarutigineqartut tonsimut ataatsimut 60,00 koruuninik akilersillugit akilerneqartassapput. Pisassiissutit akilerneqareersut pisarineqanngitsulli utertinneqarsinnaanngillat.

*Imm. 2.* Imm. 1 naapertorlugu akiliutissat ukiumi pisassiiffusumi januarip aallaqqaataani akilerneqarsimassapput. Akiliiffissaq ulloq kingullerpaaq tassaavoq ukiumi pisassiiffusumi aprilip aallaqqaataa.

*Imm. 3.* Pisassiissutit januarip aallaqqaataata kingorna nalunaarutigineqarpata qaammatisiutit ukiuannut ataatsimut atugassiissutaappata, akiliutissat ullormi nalunaarfusumi akilerneqartassapput, kingusinnerpaamillu nalunaarutigineqarneraniit qaammatit pingasut qaangiunnerini akilerneqareersimassallutik.

*Imm. 4.* Ulloq akiliiffissaq kingulleq, takujuk imm. 2, sapaataappat, ulloq nalliuttorsiorfiuppat arfininngorneruppalluunniit akiliiffissaq kingulleq ullormut tullinnguuttumut nalinginnaasumut sivitsorneqassaaq.

## *Ullut aalisarfusut aallaavigalugit aalisarnermik ingerlatsineq*

**§ 3.** Avataasiorluni aalisartunut ullut aalisarfusut aallaavigalugit aalisarnermik ingerlatsisunut akiliutissatut nalunaarutigineqartut tulaanneqartut tunngavigalugit naatsorsorneqartarput. 60,00 koruunit tonsimut akilerneqartassapput.

*Imm. 2.* Imm. 1 naapertorlugu akiliutissat aalisarnerup uninneraniit qaammatip ataatsip qaangiunnerani akiligassanngortinneqassapput. Akiliutissat kingusinnerpaamik akilerneqarsimassapput akiliiffissaq

nalunaarutigineqarneraniit qaammatip ataatsip qaangiunnerini.

*Imm.* 3. Ulloq akiliiffissaq kingulleq, takujuk imm. 2, sapaataappat, ulloq nalliuttorsiorfuppat arfininngorneruppalluunniit akiliiffissaq kingulleq ullormut tullinnguuttumut nalinginnaasumut sivitsorneqassaaq.

#### *Akiliisussaatitaaneq*

**§ 4.** § 2 naapertorlugu akiligassaq akilerneqartussaq, januarip aallaqqaataani pisassiisutinin nalunaaruteqarfigineqartumit akilerneqarsimassaaq. Qaammatisiutit ukiuata ingerlanerani pisassiisutit nalunaarutigineqarpata, qaammatisiutit ukiuata sinnerani akiligassat, inummit imaluunniit suliffeqarfimmit pisassinneqartumit akilerneqartassapput.

*Imm.* 2. Pisassiisutit ilaat tamakkerlugilluunniit allamut tunniunneqarpata, qaammatisiutit ukiuata pineqartup ingerlanerani akiliiffissaatitaasup ingerlanerani akiligassanik tunniussisoq akiliisussaatitaavoq.

*Imm.* 3. Akiliisinnaajunnaarnerup, pinngitsaaliisummik tunisaqartariaqarnermi, aningaasatigut ajornartoornermi assigisaanilluunniit pisoqartillugu inuussutissarsiummik unitsitsisariaqarnermi pisassiisutinin tunniussinermi akiligassamik akiliisussaatitaaneq suliffeqarfimmit pisassiisutinin pissarsisumit akisussaaffigineqassaaq.

#### *Misileraalluni aalisarneq*

**§ 5.** Avataasiorluni misileraalluni aalisarnermi akiliutissat, pisarisimasaviit aallaavigalugit naatsorsorneqartassapput. Pisat tonsikkaartumik akilerneqartassapput, akiliutissallu 60,00 koruuniupput tonsimut.

*Imm.* 2. *Imm.* 1 naapertorlugu akiliutissat ukiup aalisarfusup tulliani januarip aallaqqaataani akilerneqarsimassapput, akiliiffissarlu ulloq kingullerpaq tassaavoq ukiup aalisarfusup tulliani aprilip aallaqqaataa.

*Imm.* 3. Ulloq akiliiffissaq kingulleq, takujuk imm. 2, sapaataappat ulloq nalliuttorsiorfuppat arfininngorneruppalluunniit akiliiffissaq kingulleq ullormut tullinnguuttumut nalinginnaasumut sivitsorneqassaaq.

*Imm.* 4. Misileraalluni aalisarnermi akiliutissamik tamakkiisumik ilaannakortumilluunniit Naalackersuisut akiliinissamut pisussaajunnaartitsisinnaapput. Akiliinnginnissaq allakkatigut nalunaarutigineqassaaq.

#### *Akiliuteqannginneq*

**§ 6.** Inuk suliffeqarfilluunniit akiliutissamik piffissaq eqqorlugu akiliuteqarsimanngitsoq, Aalisarnermut Piniarnermut Nunalerinermullu Naalackersuisoqarfimmit akiliuteqarnissaminut nutaamik piffissaliiffigineqarsinnaavoq.

*Imm.* 2. Akiligassat ernialerneqartussaapput ernialersitsinermit inatsisit malillugu.

*Imm.* 3. Akiliisimannginnermi, qinnuteqartoq Aalisarnermut Inatsit tunngavigalugu akuersissummik imaluunniit licensimik nutaamik tunineqarsinnaanngilaq, aatsaallu tunineqarsinnaalluni, akiligassaq, morarenter ilanngullugit, akilerneqareerpata

#### *Pineqaatissinneqarsinnaanerit*

**§ 7.** § 6 naapertorlugu piffissaq eqqorlugu akileeqquneqarsimagaluartut piaaralutik mianersuaalliorujussuarnikkulluunniit akiliisimanngitsut akiliisinneqarsinnaapput.

*Imm. 2. Imm. 1 naapertorlugu akiliisitsinernit isertitat Nunatta Karsianut nakkartinneqartassapput.*

*Atuutilersinneqarnera*

**§ 8.** Nalunaarut ulloq 1. juli 2013-imi atuutilissaaq. Tamatumunnga atatillugu, Aalisarnermut atatillugu atuisunut akiliuteqartitsinermut Namminersorlutik Oqartussat nalunaarutaat nr. 22, 21. december 2012-imeersoq, atorunnaarsinneqarpoq.

*Imm. 2.* Nalunaarut nr. 22. 21. december 2012-imeersoq naapertorlugu akitsuut akilerneqarsimasoq utertinneqassaaq. Utertitsisoqarnissaanik qinnuteqaat Aalisarnermut, Piniarnermut Nunalerinermullu Naalackersuisoqarfimmut kingusinnerpaamik 31. december 2013 saqqummiunneqarsimassaaq, aalisarsinnaanermut akuersisummik piginnittup aqqa aningaasallu utertitassat konto ikineqarfissaat ilanngullugu paasissutissiisutigiutigalugit. Utertitsisoqarnissaanik qinnuteqaat 31. december 2013 nallertinnagu nassiunneqarsimangippat, utertitsisoqarnissaanik piumasaqaateqartoqarsinnaassanngilaq.

*Namminersorlutik Oqartussat, ulloq 27. juni 2013*

Karl Lyberth

/

Jens K. Lyberth

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalackersuisut